

【教育部新聞稿】（閩南語版[音檔](#)）

「口罩」的閩南語愛按怎講？

閩南語認證考試予恁會曉講 閣會曉寫

發布日期：109年4月5日

發稿單位：終身教育司

承辦人：甘佩玉

電話：02-77366812

E-mail：celinegan@mail.moe.gov.tw

新聞聯絡人：殷家婷科長

電話：02-77366801

咱敢了解家己的母語能力到啥物坎站？敢知影「口罩」的閩南語愛按怎講、按怎寫？（寫做「喙罨」<https://twblg.dict.edu.tw>）抑是講敢有才調全然用閩南語佻人開講10分鐘？若無，講5分鐘敢會輕可？

咱若是想欲知影家己閩南語的語言程度，歡迎參加教育部「109年閩南語語言能力認證考試」。報名的期間是109年4月初10早起9點，到5月初8下晡5點，干焦開放網路報名，身份無限，外國人嘛通參加。報名費250箍，19歲以下優待免費，若通完成所有的測驗（聽、講、讀、寫4項），就會當得著1份紀念品（旅行收納袋佻行李吊牌）。舊考生這擺閣再來挑戰的，若有才調加進步一級，阮另外猶有攢獎勵品，予恁聽好一空掠雙隻，考一擺就趁兩份。團體報名的，報名人數上濟的前500名，阮有攢限量大禮欲來相款待。學校團體報名若超過30人，教育部猶會請縣市政府提供行政獎勵。

教育部對 99 年開始辦理認證考試，到今也都超過 7 萬 9,000 外人報名囉。107 年開始，7 歲到 12 歲的考生那來那濟，干焦彼年就有 4,300 外人，占 41.75%；到 108 年有 5,600 外人報名，嘛達到 48.36%。表示這馬有愈來愈濟的少年家，肯欲接觸佢學習閩南語囉。

政府向望鼓舞學生因仔佢老師做伙來參加閩南語認證考試，嘛通繼這個勢予家長綴咧認捌「學母語」正正是文化傳承的重要事工。為著欲予家長佢因仔會使做伙學習，認證考試的網站有提供一個「自學資源」專區，特別是「學習地圖」就有整合基礎級到進階級的參考資料，歡迎逐家使用。若是以前毋捌考過的民眾，想欲了解題型佢考試的方式，嘛會當佇「自學資源」揣「試題說明佢範例」（有聲音檔）來練習。

考試簡章佇認證考試的網站（<https://blgjts.moe.edu.tw/>）就有通掠，敬請參考。若猶有其他針對考試的問題，請聯絡承辦單位國立臺灣師範大學。服務專線：0800-699-566 或者付費電話(02)7749-3664；服務信箱：blg.sce@deps.ntnu.edu.tw。